


M66. 31^d



**Wissue von der aller hochste
tugend gelassenheyt. Ein
dies Bodensteym
von Carolstat
Doctor.**



Wittenbergk
1521.



Mbb. 31 d (cd)



frid. frohkeit. lieb. und starcken

Christlichen glauben von gott durch vnsern herren Ihesum
Christum/ Wunsche ich Endres Bodenstein/meyner lieben
mutter und allen meynen freunden.

Ich mocht wol yu tieffen engsten

sagen. **A**n o gott meyn herr/mein schöpffer/mein erlöser / mein
zuflucht/mein leyß/vñ mein leben/varlas mich nit. **N**it weych
von mir. **D**ann Betrübniß/anfechtung und vorsuchung ist mir
das aller nehest/nichts ist mir neher/dan angst/vñ ist niemāts
der mich erlösen kan/ dan allein du/so hastu durch deyn war-
haffig und vnuoranderlich wort gesagt. **I**ch werd mit yhm
sein/yhm anfechten/ich werd yhm erlöset auß Betrübniß/vnd so
wirt er mich loben. **I**tem/Schrey zu mir ym tag deynes leydens
elendes vnd schmerzes/so wil ich dir helffen. **H**err du bist eyn
gerechter warhafftiger gott/vnd dein vorteyl/vñ dein vorheysch-
ung / ist die warheit selber / durch das selbe wort tröstistu alle
glaubigen/du seggest nit mehr/dan das ich dir glaub/das du
mein schöpffer/mein helffer/ mein erlöser von allem vbell/ vnd
seligmacher bist. **D**u sprichst. **K**anstu glauben/das ich dir hel-
ffen kan vnd wil/so wil ich dir helffen. **J**a mein gote/zu dir
steht all meyn trost/hertz/sorg vnd leben.

O wie sicher ist das wort deynes warheit/des biß gedentken/
deynem knecht (ia deynem würmlein) zu gut/yn deynes zusagüg
hast du mir alle hoffnung gegeben. **D**iese hoffnung/ die meyn
geyst auß deynem wort empfangen / trostet mich eyniglich ym
meynem elend vnd betrübniß. **M**eyn herr nit varlas mich/nym
mir yhe nit / auß meynem schwachen hertzen / das wort deynes
warhafftigen vorheyschung / biß mir beystendig / mit deynem
wort/mit deynes hilff vnd erlöfung. **D**an meyn gott/mein herr
meyn eyniger helffer/ es haben mich vill kelber / vñ vill ochsen
vmbgeben. **A**nnas vnd Cayphas/die schrifft woysen/vñ gleyß-
ner/die nie groß achtung geben/was dein gesetz vñ wort ynhelet
vñd nutz mache/ der Papsst etzliche Cardinālen vñd etzliche
Bischoffen die sperren yhre rachen vnd gynen mit dem maul auff
gleych wie ein wütender/prellender vnd reebender law/ der slo-

ps. 21. Tribu-
latio proxi-
ma est.

ps. 90. Cum
ipso sum in tri-
bulatione.

ps. Inuoca
me.

Mar. 11. Cre-
dite quia acci-
pietis.

Matt. 9. Secū-
dum fidē ve-
strā fiat vobis

ps. 118. In quo
spem dedisti.

ps. 21.

ps. 118.

Thauri ping-
ues.

rettensch leeb macht seyn maull auff/ vnd wil mich vorschlin-
gen. Tu hör mein got/mein gerüff/ sich mein elend/ ermieß selber
was er mir thun will/vomym mein angst/vnd erlöß mich/dā
der leeb vndersteht sich/zusampt ettelichen kelber vnd ochsen/mir
leyb vnd leben zunehmen. Ich clag dir nit von wegen dises zeyt-
liches lebens (wie wol die natur nit edlers vnd trewers vnd
liebers hatt/dā das elend leben) sondern von wegen des geyst-
lichen lebens. Du hast mich/ vbermiltiglich/an alle vordienst
mit dem wort deyner warheyt wider geborn/ als geschrieben. Er
hatt vns geborn yn dem wort seyner warheit/auff das wir/sein
creaturen würdē. In deynem wort/ idest/ In deynen zusagunge
vnd vorheyschung hastu vns geystlich/das ist ym glauben/ yn
lieb/in erost vñ yn hoffnüg zu dir geborn/ vñ lebendig gemacht

¶ Wan vns gott nit lebendig yn seynem wort macht/so hett
David nit gesagt vnd gebetten diese rede. Mach mich lebendig
nach deynem wort. ¶ Der glaub hanget an deynem wort/ als
Paul² geschrieben. Der glaub ist auß dem gehör deynes worts/
vnd Elizabeth bezeugt. Selig bistu/ da stu dem wort geglaube
hast. Derhalben hatt der Euāgelist Johā. gesagt. Der mensch/
oder das kōniglin/glaube der red/der zusag Christi/vnd gieng/
vnd bleyb sein Son lebendig. Weyl nu der glaub an das wort
der warheit angehefft ist / vnd keyner zweyffelt/das der gerecht
auß seynem glauben lebet/folget on alle widerred/ das der mens-
sch Christlich leben auß dem wort gottlicher zusag empfehet
vnd erlanget.

Das leben/herz das aller edlest leben (das den menschen vor-
nerwet vnd alle fruchten) so gott annehmlich seynt/ gebiert/das
auch den menschen gott gesellig vnd beheglich macht/ ynn der
seligkeit steet/an wilchs nit/dan hellischer ewiger todt/ zu war-
ten) wollen mir ezliche kelber vñ ochsen nemen. Sie wollen mir
meyne geist todschlagē/den in deynes wort lebt. Derhalben hatt
mich forcht vmbfangē/dan du hast selber gesagt/forchtet den/
der den geist todret. Sie sagen/ich sol dein wort wideruffen/vñ
vorleugnen/vñ bedrauen mich/mit absundenung/mit ban/mie
vomaledeyhüg/mit vorlust eer vñ gurs/mit beraubüg leyb vñ
lebens. Zer also vmbingen mich die weyffe ochsen. Jedoch ist
das leydē/ nicht/ gegen dem selben leyden/das der geist befi. det/

24

Matt. 10. No-
lite timere qui
occidunt,

ps. 118. Viti-
fica me fecit m-
verbum tuū.
Roma. 10.
Luce primo.
Iohānis. 4.

Abakuk. 2.
Roma. 1.

Matthei. 10.

wan sie yhin das wort/ deynes vorheyschung/ auß dem hertzen
unterstehen zunehmen. Vnd ist gleych zu achten/ als ein kleynt
geschweer/ gegen dem todt/ aber gleych als ein korn santis/ gegen
eynem berg. Darüb her/ sich heraber von den hymeln/ sich meyn
gedientz vnd quall/ trübsal vnd vmbtreiben. Jzt stehe ich ynt
angsten der hell/ ym schmerzen des todes/ ym hellischen anfecht
tungen. Ich bym mit hend vnd fussen an deyn Creutz geschla
gen/ vomy meyn clag/ merck was sie furnehmen/ wie sie yhre
zungen außrecken/ vnd wie die Juden (bey dem creutz) schreyen.
Ps. 21. Er hatt yn gott gehofft/ der mach yhn nun selig/ dan er wil yhn
haben. Haben sie nit greulich dasselb gesagt/ wan sie sprechen.
Ich soll mich deynes worts/ der warheit erwegen/ vnd vorzey
her: fall ich von deynem wort/ so bym ich berayt fern vor d:
abgefallen. Vorgeß ich deynes zusag/ so gedencckestu meyn nit
mit. Vorließ ich dein schrifft/ so wirt mich der teuffell mit allen
vnglück vnd vbell bald finden/ vnd peynigen/ vñ ewig besitzen.
Darüb hilff mir/ erlöß mich. Mich tröstet das allein/ das Chri
stus an dem Creutz solche reußer des wortt gottis / auch hatt
gehört vnd geliden.

Fur das ander trostet mich/ das yglich betrubniß funde ab
weschet/ so der schmerzen ym glauben geduldet/ vnd ym hoff
nung zu gott angenömen ist. ¶ Zu dem dritten/ das gott durch
vorsuchung vnsern glaubē beweert vñ beweyset. ¶ Zu dem vier
Iacobi. 1. den/ erfreuet mich / das alles leyden ein zucht rithen ist / durch
wilche der hymelisch vater seyn kynder heym sucht/ vnd reyniget
vnd schon macht. Mich ergetzet auch allenthalben/ das wort
gottis/ wilchis spricht/ das der lebendig barmhertzig gott/ ab
Ad hebr. 12. ym die hell / vnd widder auffset/ vñd castigiret/ auff das er
1. Regum. 1. barmhertzigkeit erzeyge. Der heylig Job sagt/ Du solt die straff
Tre. 3. vñ peyn/ des hern nit vorachtē od vörspotten/ dan er vorwüdet/
Iob. 5. das er heyl macht/ er schlecht/ vnd sein handt macht er gesündt.
Ps. Gott der würffet mich yn die tieff des wassers/ vnd füret alle
Ps. seyn flüß vñ mich. Gott der heffe mich yn der schlamm der och
sen/ vnd geylet kelber. Wā mich gott nit einfuret/ sie mochtē mir
garnicht gethun/ soll ich darüb vortzweyffeln. Das gott seyn
Deutro. 31. angesicht von mir gewendet? Vnd sich vorborgen: Vnd mich
alles vbell gefunden vnd vberfallen hatt: Das mich gott vor

lassen: Das gott mit mir nit ist/ym vrtteyl der welt: Das sey fern
das ich glaub. Das mich gott gar vnd ganz vorlassen hab.

¶ Christus spricht. O meyn gott/wie hastu mich vorlassen/
Er claget gott vñ besilhet yhm seynen geyst/sagende. Vatter yn
deyn hende beselch ich meynen geyst. Warumb solt ich dan vor
zweyffeln: Er nennet yhm vatter vñ ruffet yhm an/vnd fület dā
noch ein vorlassenheyt / so ist das wort gottis auch warhafft
tig. Ich bym mit yhm yn betrübenis vnd bekümmernis / ym
schmerzen vnd elendt. Derwegen soll mir Christus vor meynen
augen/mit leyden schweben vnd fur gehn. Ab mich gott lesset
geyffeln/vorspotten/sieden vñ braten/rederit aber zureyssen/dā
noch weyß ich/ das er meyn gott ist/ das er meynes lebens vnd
leyden mechtig/das er meyn erlöser ist/ darumb wil ich zu yhm
hoffen vnd schreyen. Vnd ab er mich tödtet vnd erwurget (wie
Iob spricht) doch wil ich ym yhm hoffen. Ob ich selber sehe/
wieer Amtam vnd Caypham erwecket vnd anreytset/dannoch
wil ich yhm anruffen.

Matthæus.

Iob. 5.

¶ Herz yn dir steht meyn hoffnung vñ trost/yn dich hab ich
gehofft vnd werde hoffen / darumb vorlas mich mit ewiglich/
Behalt mich ym deynen haylsamen wort/mach mich vest vñ
starc nach deynes wort/so werde ich leben. Herz bescheme mich
mit vor meynen hoffnung vnd wartung/erledige mich von dan
rachen des lawens vnd vor den hönern der einhorn / die mich
lauff der massen sehr bedrängen / sie machen mich ein sabell des
volcks/ein vorachtung der leuth/vnd sprechen/ich sey dir frem
vnd unbekandt. Aber herz/kerab meyn augen/damit ich nit sehe/
das groß vbell/yhzer grosse bößheit vnd vngütigkeit. Laß mir
heyl nach deynem wort zu kummen / vnd so wil ich den selben
spottogeln antworten/ia ich hoff yn gottis zusagung. Gib nit
vñ das sie mir deyn wort/der warheit/auff meynem hertzen ren
ffen. Dan die/so dein gesetz lieben/die sich an dein wort vñ rede
selbesten/vnd darauff lassen/vnd barohen/ die haben vill frides/
per multa diligentibus legem 2c. vnd werden ym erwicket nit
vorlassen/ab du dich wol ein klein zeyt froen vñ fern machest/
wie Iob gesagt. Er hatt mich meynen glorien beraubet/vñ mir
haubtkron abgenōmen/er hatt mich allenthalben zurbrochen/
vnd ich vorderß / vnd er hatt meyn hoffnung / wie eynem auß

ps. 118.

ps. 21.

ps. 118.

ps. 118.

ps. 118.

ps. 118.

Auerte oculi

109.

ps. 118.

ps. 118.

ps. 118. Et re

spondebo ex

probrantibus

mihi verbū.

ps. 118.

ps. 118.

Iob. 19.

Iob. 19.

chall
illabo Rhr
-allant

gerenfftem baromen hynnngenommen/seyñ geym ist wider mich
sonig/vnd hatt mich gleych/wie ein feynd gehalten. Danno ch
weyß ich/ das mein erlöser noch lebet/ vnd ich weyß / das ich
yhm sehen werd/Diße hoffnung ist ym meyneschoß gelegt/dar
umb will ich zu yhm schreyen vnd hoffen/das will auch thun/
beystendig gottlicher gunst zuuo.

Darumb meym mütter / brüder / Schwester / öhnen / basen /
schweger / geschweyhen vnd alle liebe freundt ym Christo / Ich
bitte yhr wollet euch nit vorseren / vnd nit betrüben / von der zeyt
liche schandt / vnd meynes anfechtung. Das mich auff alle seys
ten engst vmbgeben.

¶ Zween tödt sehe ich voraugen / eynen muß ich leyden / auff
der rechten seyten trawet mir der tödt / meynes geyst zu todten
vnd erwurgen / vñ mich ewiglich zu peynigen. Auff der lincken /
steht der tödt meynes fleysch / eynen muß ich annehmen. Werde
ich mein fleysch lieben vnd behalten / vnd dem Florentinischen
lawen gehorchen / so muß meyn geyst / von dem wort gottis
abfallen / vnd ewiglich sterben. Ist es aber nit besser / weyll ich
doch sterben muß / vnd vorließ nicht (dann ein klein vñd kurze
zeyt) ich fall yn tödt meynes leybs vñ fleysch / vnd bewar mein
leben des geysts / daß das ich mein vngeneßlich leben liebe / vnd
vorterbe mich ewiglich. Der heylig sant Andres erstrewet sich yn
seynen herten / das er von wegen seynes maysters Ihesu Christi
am creutz sterben solt / der was ein frummer heylig. Warumb solt
ich armer vnd grosser sunder auch nit begern zu sterben / von des
wegen / der erstlich von meynes sund / von meynes bößen lebens /
von meynes guts vnd nutz wegen / vorstorben ist. Slike ich
den leyplichen tödt / so wirt mich der ewig hellisch tod mit leyb
vnd seel vorterven. Christus ist ym bitterkeit gestorben / vñd
darumb auffstanden / das er vns den tödt süß machet / vnd
vñser leben auß dem herten wurff.

Ich frag euch bey ewim gewissen / bey dem starcken vñd
lebendigen gott / vñd nehm hymell vnd erden / lauß vnd gras /
holz vnd steyn / zu gezeugen / das yhr sprechen vñd bekennen
müß / das ich von des wort gottis wegen zu sterben pflichtig
bym. Byn ich den tödt schuldig / warumb wollet yhr euch dā
betrüben / aß mich der lawe mit dem serer wirt vorterven / wam

Inducit histo
ria ppter Bern
hardum quē
osculatur plu
rimi.



Yhr gott vnd ewig eher ließ hette/so solt yhr mir/wie die mitter
Symphoriani/so mich der henger zu dem rost furen wirt/ zu
schreyen/vormanen/vnd sprechen/Son oder vatter bis getrost/
wie kanstu dein leben terrier verkauffen/ du wirst von eynem
vortriflichen vñ vorgeneflichen leben/zu gotlichen vnd ewigē
leben kummen/bis getrost vnd forcht dich nit.

Jch weys/das yhr vil mehr wollet/das ich mich ließ erwar
gen/dan das ich meynen Landfursten vorleugnet. Aber das ich
ein statt vorriet. Tu hab ich ein zeytliche narung/mit vil arbeyt
von meynem Landherin. Aber von gott hab ich/ leylich vnd
geystlich geburt/ teglich leben/vnd zeylich narung/ cher/ gutt/
glauben/vñ hoffnung/vñ zusagung/ewiges lebens. Jch weys
das er meyn gnediger her ist/wan er mich engstiget/solt ich da
den todt fliehen/wan mir yemants den selben hern nemen wolt
vnd mich zwingen/ich sollt yhm seyn vnbetrieglich wort vor
cleynen/vnd leuchlen/vnd vorwerffen. Das der tyrannisch vnd
vornmeynt Papsst Leo der .x. zuthun vnterstehet / wer ich nit ein
Boswicht/ein voretter/wan ich meynen gnedigsten Churfurste
eynen Brieff(denn mir seyn G. beuolhen/vnd zu dem ich mein
vorwaldung vorheyschen hette)hynwurff vnd abschwur: soll
ich dan die heylige schrifft abschweren vnd vorwerffen?

Jch hab durch mein Paten oder doden (so mich auß der
Tauf gehoben/als/vnd ehr ich getaufft wart)gott vñ Christa
licher kirchen vorheyschen/bey dem glauben zu bleyben/vnd zu
sterben. Nun ist der glaube/ym der heyligen geschrifft/als ym
eynem beschlossenen garten/behaltenn. Wie kan ich dan an zura
chtung meynes aydes vnd glaubens die schrifft wideruffen?

Jch geb euch zuerkennen/das ich auch/ym zeyten meynen vor
misse/mich vilmals der heyligen schrifft/hab mit eyden vorp
den. Von yhr nit zu treten/ soll ich mir die articell vorleugnen/
der die vngelart Papsst vordampft hatt/vnd ich weys / das sie
ym der Biblien gegrundet / ia dartzu / das ich etliche worten
vnd sentenzen/ ahn fingern deutten kan. Warum muget yhr
Begern(das ich mich doch nit vorsehe)das ich (mir zu ewiger
voretterischer schand vnd schaden)die selbe vorleugnen/vnd
meyn vill geluße vnd eyden vorbrechen solt. Jch weer ym allen
rechten ein Boswicht vnd landflüchtiger schalck / so werend

Illatio Rhe-
toricalis.

offid. inul. an
med. inul. an
sup. inul. an
ul. inul. an
an

yhr vnredliche fründt/ wan yhr von mir gesynnen do:stet/ das
ich mit fero: vnd zangen leyden solt. Ich wil keyn warheit vor:
neynen/sonderlich der ich voreydet byn / ob alle teuffeln mit dem
Papist wider mich quemen/dartzu wurd mir gott wol helffen.

Ja mocht yemants sagen/ der Papst vorstehet die Biblien
auch woll/ aber du hast ein tollen stolzen vorstandt. Dartzu
antwort ich. Lieber freund ich hab text der heylige Biblien die
clar seind/vnd mag sie nit allein ein gelarter/sondermit auch ein
ley der sie höret lesen/vomenen. So hab ich auch zu Leypsic
gemeynlich/meyn antwort vnd argument/ auß der Biblien vñ
auß büchern Augustini/Hieronymi/Ambrosij/Bernhardi/Gre:
gorij/Cypriani/Cyrelli vnd andern gelesen/ alle vordichtigkeit
der ketzerey von mir zuschieben vnd zuschiehen vnd abzuwendent
Das wurffen mir meyn feynd zuschäden fur/wie wol ichs mey:
ner ehr zu gutt gethan/vnd das zu fur kumen/das mir izt begeg:
net / damit keyner sprechen mocht/ er vorstehet die schuffte nach
seynen aygen hirt vñd kopff/ vnd das mich der Papst nicht
kandt/ als ein ketzer vordammen/er vordampft dan auch die Se:
len Chrißlicher kirchen/so ich izt vo:meldet hab. Aber wie yhr
vo:mecten werdet/der grymmig wütterich Leo der Papst hatt
doch der keynes angesehen/vnd wil mich/wider gott/recht vnd
ehr/von der Biblien dringen/das soll er nit vo:mögen/vnd wã
er gleych ein fero: macht/so groß als das erdrich.

Der Papst
schilt Aug:
ustinu: eyne
ketzer.

Wo yhr dem Lawen auch zufallen / vnd euch mit vnnützer
sorg belestigen wurdet/ sollt yhr wissen / das meyn betrubnis
euch zu ehren kummen wirt. Die Apostoln danckten gott/vñd
gynngen von dem rath der Jude yn freyden/das sie gott würdig
achtet/vmb den namen vnd wort Chusti zu leyden/warüß solt
ich mich vnd yhr mit mir auch nit erfreyen vmb wegen vnser:
erlösers zu leyden. Ich weyß doch das kein leyden der zukunfft:
gen glorien würdig ist. Darumb freyhet euch mit mir/das mich
gott beruffte vmb seynes worts wegen zu leyden.

Werdet yhr aber euch weych machen/vnd vnderstehen/mich
abzuhalten/so werd ich euch sagen/wie Moses gesagt. Der
gesprochen hatt zu seynen vatter vnd mutter / ich kenn euch nit/
vnd zu seynen brüdern vnd schwestern / weyß nicht von euch/
vnd die yhr kynder nit gekent haben/die haben deyn vop inmis/
deym

Eph. 4.

Actuum. 5.

208.

Deutro. 33.

deyn wort/vn dein gericht gethan vnd behalten. Derwegen wil
ich euch auch gelassen/vnd wo yhr sprechen durfft/ lieber Son
oder ohm folge dem Bapst/so darff ich widersage/wer bistu?
Behüt mich gott vor dir vnd deynem rath/solt der bischoff hutt
für yrethumb gutt seyn/so hette Christus Annas vnd Cayphas
vnbillich widerstretet. Ich ken yn diser sach weder vatter/noch
mutter. Ich folge eyniglich gottlicher schrifft/die kan mit yren/
die kan mich mit bedriegen / ob ich gleych schand/spott/armutt
vnd elend dulden muß. Das will ich gern thun/ich will mich
meynes Archidiaconat/aller gütter/so ich hab/ gutwilliglich
erwegen/ vatter vnd mutter/ Brüder vnd Schwester vorzeyhen/
alles gelassen an leyß vnd seel/ das mich von gottlichen zusa-
gungen zeuget oder fernet. Ich weyß das ich gelassen seyn muß
vnd das ich alle creaturen gelassen muß/vnd darff keynem En-
gell vortrawhen/ so er mich andern lernen odder gebenedeyhen
wil/dan yn der Biblien beschriben ist/ alles das ein Engel auß
dem hymel anders leret/dann die heylig schrifft ynnhelt/das ist
ein vormaldeyhung / ein grau vnd haß vnd Bann vnd acht
vor gott/warumb solt ich dan eynen menschen/ der nit vil ynn
der heyligen schrifft studiret hatt/ zusallen / so er mich anders/
dann ynn der schrifft geschriben leren wolt.

Ist aber der Bapst frum vnd ein Chust / so trayge er schrif-
fften/vnd werffe meyn leer mit dem wort gottis vmb. Meyn leer
hab ich alweg auß der Biblien genommen vnd kan sie ynn der
schrifft beweyßen. Ich hoff der almechtig gott werd mir gnad
leyhen vnd eingeben/domit ich von seynem wort nit abtrett/obß
gleych alle meyn freund vordriessen wirt.

Ich gedenc an das wort Christi/d also sagt. Ihr solt nit
meynen/das ich kummen byn/frid auff das erdreich zuschicken
Ich bym kummen das schwert zusenden / das selbe schwert
teylet kynder von eldern/vnd weyber von mannen / Brüder von
Schwestern/ia seel von yhren leyß/ als geschriben. Das schwert
zurdiert seel vnd leyß/ vnd hencket den menschen gar vnd ganz
ynn gottlichen willen mit lieb / hoffnung vnd glauben/ also
das yhr wedder spott/nach nott/wedder schwert noch geserd/
wedder reder noch ferer von gott abteyllen. Es endstehent ynn
dem menschen vnzeliche seuffzen vnd schmerzen/wann er das

Archidiaconat, so ich des
fellig erkannt
vvurt.

Gala. 1.

BAPST.

Gladius:
Math. 19.

Roma. 8.

Lucę. 22. Qui
habet tunicā
vēdat eam &
emat gladiū,
idest, omnia re
linquat prop
ter verbum.

Matth. 25.

Matth. 16.

Matth. 17.

Schwertrecht yn die hende des glauben nympe/ dan̄ das ist/ das
schwert (welchis mich vom dem Bapst izt geteylt/ vnd den
Bapst von der Christenheyt teyllen wirt) das vns Christus ge
schickt/ vnd dan̄ er geschriben also. Aber izt/ yn ansanck
des todes/ wilcher ein taschen oder beuttell hatt vnd der nicht
ein seckell odder brott sack hatt / der verkauff seynen rock vnd
kauff yhm ein schwert. Was ist das fur ein schwert: hör wie
Christus sagt.

¶ Das ist das schwert/ die schrift muss erfullt werden/ Also
hör ich/ das die schrift/ das schwert ist/ das wir erkewoffen sol
len vnd das/ das selbe schwert erfullt muss werden mit leyden/
mit blutt/ vnd mit todt. Jha herz es ist recht. Von des selbst
schwerts wegen/ muss ich meynen sack/ geltbeuttell/ vnd cleyder/
das ist/ das eynste/ vnd das außserlich groß gutt/ vnd dartzu
haut vnd har lassen. Mir mocht villeycht meyn alder Adam
zu tragen/ Bitt gote das er den kelche/ des todes von dir nehmt.
Aber der geyst wirt sprechen. Meyn herz/ nit wie ich/ sondern wie
du wilt. Von wegē desselben schwerts/ das ist das wort got
tis (das mich vō vatter/ mütter/ brüder/ Schwester/ vñ von aller
freundschaft abteyllet) dorffst ich sagen.

¶ Christum finde/ man nit vnter freundschaft/ sondern yn
seynem tempell / daryn sein wort klynget vnd erschillet/ do sich
die phariseyer vnd gleyßner/ der Bapst vnd sein Secken/ wun
den/ vnd nerisch werden. In dem selben tempell (der ein gela
sser menschen ist) wirt gott/ Christus vnser herz gefunden. Ich
werde Christum yn diesem fall/ bey euch betrubten freunden nit
finden/ werdent yhr aber mir zuschieyen odder einbloßent. Lieber
freundt/ das sey weyt vnd fern von dir / dastu von dem Bapst
zu Rom solst/ gefangen/ zergentzet vnd ertodtet werden/ wie der
einfeltig Petrus zu Christo sagt. Herz das sey fern von dir dastu
zu Iherusalem solst von den Judenn gefangen/ geysfelt/ vnd
erwurget werden. So solt yhr vbel hören/ Dan̄ wie wol Petrus
ein gutt weltlich vnd natürlich meynung hett/ wie yhr oder an
dere Christen mocht haben.

Dannoch sagt Christ⁹ zu S. Peter/ Gehn von mir du Sa
tana du teußell/ du vorhynderer. Dann du vorstehest nit/ was
gott wil haben/ sondern was der menschen ist. In solcher weyß

werde ich antworten (so yhr zu mir sprechen dürfft. Lieber stell
ab/ die leutt meynen dich wol, die dich von dem wort gottis an
den Bapst wollen pinden/was ist es/ du würest woll bleyben
vnd eher haben) Ihr teuffel alle gehent von mir/yhr wissent nit
was gottlich ist. Hat mit der frum Chustlich vnd hoch gelert
Doctor Johan. Zus/ ein bitterß schwert genömen vnd geliden/
sie haben yhn vmb sein gute/gerecht leer (wie dan der mehrer teyll
seyner artickeln ynn der schrifft stehet) vordampft/vnd dem stara
cken Nertterer eynen hutt voll gemalter teuffell auffgesetzt/vnd
also ynn spotlicher form vorbrant. Ich farcht ich muß auch
noch ein solcher/vorhonter bischoff/wie woll vnwilschulde
werden/das wirt meyn freunde gar vbell beyssen. Doch trostet
mich die schrifft/aber Chustus yn seynem wort/sprechende. Du
darffest nit gedencken/das ich kunnē byn frid zu machen/dar
ich byn darumb gekummen/das ich den menschen/wider seyn
vatter scheyden will/vnd den Son gegen seynen mütter setzen.
Derwegen muß ich/liebe freunde/widder euch sein/so yhr mich
von dem wort gottis wolt helffen abziehen.

¶ Was wolt yhr euch aber zeyhen/die sach ist redlich vnd
Chustlich/vnd so hoch/das ich nit würdig byn/yhr halben
zu leyden/woldet yhr aber noch weytter/ynn ewiger fleyschlicher
liebe vorharren/so kend ich euch nit/vnd byn wider euch/wie
auch wider den Bapst (der mit mein vatter wie er sich schreybt/
sondern mein wolff ist) Dan Chust^s spricht clar. Wilcher vata
ter vñ mütter mehr liebet/dan mich/der ist mein vnwürdig. Ich
hab die heylig geschafft vorhanden/daryn leben vñ wanet Chri
stus/wie er yn eyne tempel ist/tred ich zu dem Bapst/so vorließ
ich Chustu yn d schrifft/werdet yhr dem Bapst anhengig sein/
vnd ich wolt mich an euch hefften/so würde ich Christo heffig
vnd ein feyndt werden/Gedencket das die dochter Jepth/yhres
vaters gelübt mit yhrem todt erfüllet/wannu solt ich nit meyn
ner vater gelübt auch erfüllen/die mich vor der taußf gote vor
pflicht haben. Ja ich muß/nit allein euch/sondern mich selber
gelaßen/ich darff mich meynes leybs vnd lebens nit annemē.
Ich soll mir vbel thun vnd vordieß zu dem todt willig treten.
Dann Chustus spricht. Wilcher seynn creutz nit nympt/vnd
folget mir nit nach/der ist meyn vnwürdig. Das wort Creutz

B ij

Iohan. Hufz.

Matth. 10.

Iudicum. 11.

Lucæ. 14. Bedeut leyden/vorachtung/hon/spott/vorlachen/sterben/vor-
terben/ia wider faren ynn die clüfften der hellen/doch nach got-
lichem gefallen / bedeutet auch das ein korn Christi absterben
muß. Tu sagt Christus/das wir das creutz annehmen/vnd
yhm nachfolgen sollen/darumb ist von nöthen/ das wir entse-
lich auff das creutz (das ist auff elendt vnd schmerzen) gehefft
werden. Derhalben solt yhr euch nit bekümmern/ob ich gleych
auffeynen roß gebunden vnd vorbrant würd. Ist doch Chris-
tus ein reynner mensch vnd gott gewesen/vnd hatt sich nit gesche-
met an eynem galgen zu hangen vnd sterben.

2. Regum. 15.

Matth. 10.

Lucæ. 14.

¶ Wie wol ich nach dem creutz/meynes alten Adams hal-
ben / nit gedencf zu lauffen / ich seen mich auch nit sonderlich
nach dem fern. Derwegen wil ich (wie Dauid/ vor Absolon ge-
flogen/ vor dem Florentinischen Larwen von eynere stadt yn die
andern fliehen. Werde ich gnad yn den augen des herren finden/
so wirt er mich wol wider brengen vnd behütten. Wirt er aber
sagen/du gefellist mir nit/ so bym ich gegenwertig/das soll ges-
chehen/das gut ist yn seynem willen/ab mirs gleych bitter vnd
herb/galn vnd eytter ist. ¶ Es ist tausent mal nutzer/ich nehm
das creutz vnd leyde ein schmelichen vnd schmerzlichen todt/
dan das ich/ das wort gottis abswere vñ vorleugnen Christi.
Dan ich weyß/werde ich mein seel vñ wegen des worts Christi
vnfers herren vnd gottis/vorderben vnd sterben/ so werd ich sie
ewiglich bewaren/werd ich aber meyn seel alhie finden/das ist/
werde ich sie also lieben/ das ich leyden vnd elend fliehen will/
vnd das wort gottis felschen oder vomeynen/so werd ich mein
seel vorterber. Tu hörent vñ merckent liebe freunde/soll ich mich
selber gelaßen/von wegen gottlicher ehre/warumb solt ich euch
nit lassen vnd vorleugnen/wann yhr mich von dem wort got-
tis abwendig machen wolt. Ich weyß/das ich kein iunger vñ
nachfolger Christi kan geseyn/ich lasse dan vatter vnd mutter/
brüder vnd schwester/vnd freunde vnd meyn aygen natur/haut
vnd har/es muß alles sein gelaßen / das ynn mir vnd auß mir
ist/alles das mich yn hymell erdtrich / yn seel vnd leyp hyndert.
Das vorleyhe mir der gürtige gott Amen. Dan ich weyß das
Reyn grösser tugent/auffer den vnd yn hymeln ist/ dan gelaßen-
heyt. Soleyner alle sein gutt/ehre/freund/leyb vnd seel vorlassen/

Wan ich auch/ym mittell der flammen Brennet / vnd hett nit
gelaassenheyt/so wer mir meyn leyden vndinlich. Das ist/wan
ich gott nit liebet/vnd ym yhn getrauen/trost/glauben vnd
hoffnung setzet/so wer ich/wie ein glocke/ die erschellet.

1. Cor. 12.

¶ Christus spricht/Keyner mag grösser lieb haben/dann das er
sein leben für sein freund setze. Ich hab freund ym Christo
(die das edell Blut Christi gemacht) von der selbe wegen (auff
das sie nit ym gottis wort abnehmen) soll ich leyden/Keyn übel
fero oder todt/kan an gottliche lieb fruchtbarlich geschehen.

Vrsach/wilcher gott recht liebet/der suchet ym leyden vnd wer-
cken/ym süßigkeit vnd bitterkeit nicht anders/dann gottis eher/
Wilcher aber sich selber ym sein augen stellet/vnd meynet seyn
eygen glorien/der lebet sich/vnd nit gott, vnd dienet gott nit mit
Keynem leyden oder außwircken. Derhalben sagt Paulus.

1. Cor. 13.

Wann ich ein glauben / der wunderzeychen hette / das sich die
Berg/auff mein gebott/ym das Meer tragen/ vnd hett nit gott-
liche liebe/vnd meynet haß/so wer mir der glauben vnnütze.
Derhalben Christus ym hohen vleyß vomant/ sprechende.

Luce. 9.

¶ Wilcher nach mir wil folgen/der soll sich selber verleugnen/
vnd trag sein Creutz teglich vnd folge mir.

¶ Ist es nit ein schmerzlich ding / das ich mich Keynes ley-
dens darff annehmen/als hett ich von mir selber was außge-
richt. Wil ich von gottis wegen etwas leyden odder ein creutz
ertragen/so muß ich zuvor mich verleugnen / vnd mich selber
vorlassen.

Gelassenheyt
ym leyden
vñ vvercken

¶ Ich muß meynen willen / ganz vnd gar ym
den gottlichen willen vorsecken / vnd aygen willen ym allen
dingen erdrencken. Also muß ich wollen/wie gott wil. Derhal-
ben hatt er allen wercken vnd leyden vnd den personen selbst/die
gelaassenheit furgesetzt/sprechende. ¶ Wilcher nach mir kummē
wil/vnd nachfolgen/der verleugne sich selber. Sich vnd hör/
wie die werck von vnserm aygen willen abfallen. Wiltu von
den leyden hören/so merck was er von dem creutz redt.

Gelassenheyt
der person.

¶ Er sol sich selber verleugnen vñ sein creutz auff sich fassen.
Wilcher sich meynen schemet/vñ meynen reden/des wil ich mich
schemen. ¶ Wie hart ist das 8 natur. Die natur wolt sich selber
gern meynen / vnd schemet sich natürlich gottis eher/darumb
sagt Christus/er muß sich selber verleugnen. idest. er muß sich

Luce. 9. Qui
erubuerit ser-
mones meos.

Lucæ. 9.

1. Cor. 12.

Lucæ. 14.

schemen/ vnd mich suchen vnd loben/ dan so eyner yn wercken/
oder leyden sein aygen eher suchet/ so suchet er aygen nutz/ vnd
vorlaßet sich nit allenthalben. Du mußt yhe dich ynn deynem
creutz nit bekennen/ sondern allein gott durch Christu. Du mußt
dich vomeynen/ nit berümen. Dan die Aposteln freuten sich/ vñ
wegen des namen Chusti zu leyden/ doch straffet sich Paulus/
do er zu west yn der glorien seynes leydens haßt sprechende. Ich
bym vnweyß gewest/ das ich zumill frolich gewest bym/ vnd
zumill ynn leyden gloriert hab. ¶ Es muß mir alle creatur/ sie sey
süß oder saur/ herb oder milt/ auß meynen augen gezogen sein.
¶ Ich darff mir auch selber nit ynn den augen stehen/ sondern
allein Christus/ der soll mir von meynen gedanken vnd augen
schweben vñ auff yhn soll ich stehen/ sonst auff nichts anders.

In die weyll ich alle werck/ mein leyden vnd todt/ yha mich
selbst vorleugnen/ vnd mich mir froem machen soll. Soll sich
weder mutter noch freund/ widder Bapst noch Bapsts mutter
vnter stehen/ das ich/ yhn odr sie vor augen habe/ vnd das wort
gottis gelaße. Eher wil ich zangen/ reder/ vnd den aller graw-
samsten todt erleyden. Christus vnser herr hat klerlich auß
gedruckt/ wie die gelaßenheit sein soll. Er sagt. Wilcher sein seel
nit haßt/ der kan nicht mein iunger gesein. Ich soll ein herten/
ernstlichen/ vnd gestrengen haß / vnd neyd widder mich selbst
haben/ wann ich die stym meynes hern erhör vñ merck doch das
mich mein seel abhelt vnd vorhyndert. Neyn liebe seel/ vnd lieber
leyß/ ob yhr wol vngern sterben/ vñ wollent/ das ich dem wort
gottis nit nachfolget. Danno ch wil ich Christo trostlich nach
gehen/ ynn den todt/ die weyll ich zu vor weyß/ das yhr beyde/ mit
mir ein kampff haben/ vnd ich euch haßen soll. Dan ich weyß
wann ich mir selber nit schaden zu füget / der teuffell vnd seynn
Bapst vornügten mir nit schaden. Wann yhr du fleysch vnd
Blut/ du alder Adam gern sturbet/ was wurt odder konde mich
der todt bekümmern.

Ich weiß das mir nit auß bleyben wirt/ das teglich ansech-
ten/ so ich ertrag/ nemlich/ ia gottis warheyten vnd gelübten
seynt wol gerecht/ vnd betriegen niemants. Aber ich bym keyner
der dartzu vorsehen. ¶ Du böses fleysch/ du wüster seynd con-
cupiscentia/ wie manchfeltig yrestu mich. ¶ Gott ist barm-

herzig vnd mechtig zu geben/ vnd will auch allen den geben/ so
yhn (ym glauben) bitten vnd zweyffeln nit (das er sie geweren
werd) Darumb wil ich dir (du boßer Adam) zuordneß gott
glauben/ dich vñ alle mein freund neyden/ vñ mich gegen euch
(als meynen feynden) weren.

Marci. Oran-
tes credite q̄
accipietis.

Nich sollen auch mein sünde (der ich vil gethan) hochlich
vrsachen vnd anzuhemen/ desker gedultiger vnd lieber hon vnd
spott zu leyden/ der todt sol mir ein gesunde artzney sein/ so weyß
ich auch/ das die schrifft nit leugt/ die sagt. Wilcher sein seel yn
dise welt haßet/ der behütt sie zu dem ewigen leben.

Iohan. 12

Item Christus ist gekommen / die sünde selig zu machen/
Item das ist das lemblein / wilches die sünde diser welt treget.
Item gedenck du der sünden/ so wil ich sie vorgessen/ vnd end-
lich auff diser zusag. So yhr ynn mir bleyben/ vnd mein wort
ynn euch bleyben/ alles das yhr bitten werd/ wirt euch gegeben.
Auff dise vnd andere trostlichen zusagungen/ will ich stehen/
wie auff einem fels. Inn Christo/ mit glauben vnd hoffnung
vnd lieb souill mir vorlihen wirt/ vest bleyben/ vnd keyne unge-
stümheit fliehen/ vnd ynn gott grösser zuorsich seyn/ er werde
mich gnedig yn seynem wort halten/ vnd nach erliden todt/ mit
ewigem leben vorsehen. Das helff/ mir vnd vns allen der güttig
gott. **A M E N.**

Esa.

Iohan. 15

Das hab ich euch/ von fleyschlicher lieb vnd forcht zubren-
gen/ ynn besten damit yhr den zorn gottis empflihet geschriebe/
demütiglich bittende. Ihr wollet euch keyn nachredt lassen be-
trüben/ vñ die sach gott/ mit ynnigen gebett beuelhen/ das vor-
dien ich gern/ do mit gott beuelhen Amen. Datum eyling Wita-
tembergk donstag am. xi. tag Octobris/ ym. xx. Jar.

Gedruckt zu Wittenbergk durch
Johannem Gumenbergk /
1 5 2 1.

Faint, illegible text, likely bleed-through from the reverse side of the page. The text is arranged in several paragraphs and appears to be written in a historical script, possibly Latin or German. Some words are difficult to discern due to fading and the age of the paper.



Fi 3139


ULB Halle 3
001 605 216



TA → OL

mt.







4

Wissue von der aller hochste
tugend gelassenheyt. Ein
dres Hodensteyn
von Carolstat
Doctor.



Wittenbergk
1521.



Mbb. 31 d (d)